



BIBLIOTHECA  
UNIVERSITATIS  
CRACOVENSIS

kat.komp.

59703

III

Mag. St. Dr.

P

*Feol. 18169*

*Liniński Thomae: Quaestio theologica de fine  
ultimo hominis —*

Biblioteka Jagiellońska



stdr0001632

IN NOMINE DOMINI, AMEN.

# QVÆSTIO THEOLOGICA,

DE  
FINE VLTIMO HOMINIS,  
ejus Beatitudine Objectiva & Formali.

EX PRIMA SECUNDÆ, SUMMÆ THEOLOGICÆ, D. THOMÆ,  
DOCTORIS ANGELICI, à *Quæst. 1. ad Qu. 5.* inclusive

DE PROMPTAM:

SUB FELICISSIMIS AUSPICIIS,

*Magnifici, Perillustris, & Reverendissimi Domini, D.*

## M. MATHIÆ PSOIECKI,

S. Theol. & V. J. Doctoris & Professoris, Protonotarij  
Apostolici, Collegæ Majoris, Ecclesiarum Collegiatarum, SS.  
Omnium PRÆPOSITI, S. FLORIANI ad Cracov: & Opatoviensis  
DECANI, SCHOLASTICI Curzeloviensis, CANCELLARII Pofnaniensis,  
CVRATI in Osiek, Contubernij Iagelloniani PROVISORIS,

S. R. M. SECRETARII,

Studij Almæ Vniverſitatis Cracoviensis,

GENERALIS ac VIGILANTISSIMI

RECTORIS;

PUBLICÆ DISPUTATIONI

EXPOSITAM:

PRÆSIDENTE

## M. CHRISTOPHORO KRZYKAWSKI,

Philosophiæ Doctore, Collega Majore, S. Th. Baccalaureo, Ecclesiarum Colle-  
giatarum, Neofandecen: Cancellario, S. FLORIANI ad Cracov: Canonico,  
Cursus Theologici Moralis Foundationis, OBLONKOVIANÆ Professore.

SUSCEPIT

## M. THOMAS LIMINSKI,

*Philosophiæ Doctore & Professor, Sac: Auth: Apostol: Notarius Publicus,  
eiusdem Cursus Auditor,*

## PROPUGNANDAM.

Anno Verbi Incarnati 1699. Die 13. Decembris. Horis Pomeridianis.

CRACOVIAE, Typis UNIVERSITATIS.

257.

Rex Dolorum, Spinis Coronate.

Vt nos, spinā peccatorum, fauciatos sanares.

VERITAS JPSISSIMA.

Falsis testimonijs accusata.

SAPIENTIA ÆTERNI PATRIS.

Ab insipientibus, illusa & flagellis Cæsa.

SACERDOS & VICTIMA.

Qui redemisti nos, DEO, in sanguine tuo,

& fecisti nos DEO nostro Regnum, & Sacerdotes.

Magister noster, CHRISTE Dolorosissime.

Cujus omnis actio, est nostra instructio.

SPECVLVM PATIENTIÆ.

Cui compati, regnare est,

PELICANE SOLITVDINIS.

Cuius pretioso sanguine, mundamur, & in æternam alimur vitam.

AGNE MITISSIME.

Stans tanquam occisus, & vincens, tanquam Leo, de Tribu Iuda  
Infernum, Mortem Peccatum

Cui soli digno.

Aperire Librum, & solvere septem signacula eius, cum viginti quatuor  
Seniorum Coronis, Vilem hanc opellam meam substerno.

Abyssus Malitiæ & Vitiorum.

Abyssum Misericordiæ Tuæ.

Supplex ac gemens invocando, ac deprecando.

Sum sicut cæteri.

Habes ô Domine! vnde me infinitè condemnes.

Sed tamen

Habes ô Domine! vnde me infinitè salues.

Proinde

59703  
III



*Vulnera Sacra DEUS, pro! sint medicina gementi  
Sint Salus & Virtus, vulnera sacra DEUS.*

# Q V Æ S T I O

## T H E O L O G I C A,

De Fine ultimo Hominis,  
eius Beatitudine Objectiva & Formali.

**V** Homo Finem ultimum vitæ suæ habens:  
•cujus Beatitudo Obiectiva, in solo Bono Increato consistit: Beatitudinem Formalem, quæ est quid Creatum: consistentem in actu intellectûs: quam potest assequi: requirentem Delectationem, vt accidens consequens operationem intellectûs: semel possessam amplius amittere possit, nec ne?

### C O N C L U S I O I.

**H**omo Finem ultimum vitæ suæ habet. Dicitur enim  
*Matth: 10. v. 10.* Dignus est operarius, Cibo suo. S. Chrisost: Dignus est accipere sustentationem à populo, mercedem à DEO.

### C O R O L L A R I A.

- I. Fines intermedij, verè & propriè habent Rationem Finis.*
- II. Impossibile est, quòd idem Homo pro eodem tempore efficaciter appetat duos Fines ultimos, Totales & Adequatos: potest nihilominus pro eodem tempore habere duos Fines ultimos, se tendat in vnum efficaciter & absolute; in alium verò ineffaciter & secundùm Quid.*
- III. Quotiescunq; voluntas liberè & humano modo operatur, tendit ad Finem ultimum Formalem, saltem interpretatiuè.*
- IV. Non tantùm homini conuenit agere propter finem; sed etiam DEVS agit propter Finem, tanquam propter veram Causam Finale in suis Operationibus ad extra, quantum ad terminationem Passivam, & quatenus se tenent ex parte effectûs. non verò tanquam propter veram Causam Finale in suis actionibus, ad extra, quatenus se tenent ex parte ipsius DEI, & quantum ad terminationem activam: porro DEVS in omnibus actionibus liberis, etiam quatenus se tenent ex parte ipsius DEI, agit propter finem tanquam propter Rationem Finale: in actibus verò necessarijs, Essentialibus, aut Notionalibus, non agit propter Finem tanquam propter veram Causam Finale, vel etiam tanquam propter Rationem à Priori.*
- V. Actus voluntatis seu Humani Specificantur à Fine.*

## CONCLUSIO II.

**B**eatitudo Hominis Objectiva, in Solo Bono Increato consistit. Dicitur enim *Gen: 15.* Ego Protector tuus sum, & merces tua magna nimis.

### COROLLARIA.

- I. *Beatitudo Hominis Objectiva non consistit in aliquo Bono Creato.*
- II. *Licet Beatitudo definiatur à Boëtio lib: 3. de Consol: Phi: Prosâ 2. quod sit Status omnium honorum, aggregatione perfectus, & à S. Aug: lib: 5. de Ciuit: DEI Cap. I. quod sit Rerum optandarum Cumulata plenitudo: quia tamen hæc Definitiones solam materiam Beatitudinis tradunt, non autem Formalem Rationem eius assignant; ideo Doctor Angelicus, hic Qu: 2. art. 1. exactissime definiuit Beatitudinem sic: est Bonum totaliter quietans & satians appetitum.*
- III. *Beatitudo diuiditur in Naturalem, quæ Natura humana proportionatur seu: ad quam Homo, per principia sua Natura peruenire potest. & supernaturalem, quæ naturam Hominis excedit & quam Homo solâ virtute Diuina, & auxilio sepernaturali consequi valet. Viraq; autem subdividitur in Beatitudinem huius vitæ, quæ est imperfecta & inchoata solum; & Beatitudinem Patriæ, quæ est perfecta & consummata. Item in Essentialem, quæ versatur circa Obiectum Beatificum; scilicet Essentiam Diuinam: & Accidentialem, quæ circa alia obiecta inferiora versatur. ut Intuitio Corporis Christi in Cælo, Cognitio Creaturarum extra Verbum, &c.*
- IV. *Beatitudo Objectiva est illa res in cuius adeptione appetitus hominis perfectè quiescit. Formalis verò Beatitudo est operatio, quâ apprehenditur & possidetur Summum Bonum seu res illa, quæ Beatitudo obiectiva appellatur.*
- V. *Essentia Diuina, sine Personis non est sufficiens Obiectum ad beatificandum hominem.*

## CONCLUSIO III.

**B**eatitudo Formalis est quid Creatum. Dicitur enim *Psal. 35.* In Lumine tuo videbimus lumen.

### COROLLARIA.

- I. *Beatitudo Formalis non consistit, in illapsu Dei speciali, in Essentiam Anima vel Potentias eius.*
- II. *Beatitudo Formalis non consistit in Increata DEI visione Anima Beati vnita.*
- III. *Beatitudo Formalis non Consistit in Habitu, seu Actu primo: sed in operatione, seu Actu Secundo.*
- IV. *Beatitudo Formalis non est operatio Partis Sensitiva.*
- V. *Formalis Beatitudo, efficienter producitur ab Intellectu Beati & implicat Contradictionem Intellectum Beati ad illam merè passiuè se habere. Dicit enim Concil: Trid. Sess: 6. Can: 4. Si quis dixerit liberum arbitrium, à DEO motum & excitatum nihil DEO cooperari, &c. Sed velut inane quoddam, nihil omnino agere, merèq; passivè se habere anathema sit.*

## CONCLUSIO IV.

**B**eatitudo Formalis consistit in Actu Intellectûs. Dicitur enim *Matth: 15. v. 14.* Cæcus autem si Cæco, ducatum præstat; ambo in foveam cadunt.

COROL-

## COROLLARIA

- I. *Beatitudo Formalis principaliter consistit, in Operatione Intellectus Speculativi.*
- II. *Beatitudo Formalis non consistit in Actu voluntatis.*
- III. *Beatitudo Formalis non consistit in Consideratione Scientiarum Speculatarum: nec in cognitione Substantiarum Separatarum.*
- IV. *Beatitudo Formalis in vno Actu & non in pluribus consistit.*
- V. *Beatitudo Formalis Essentialiter consistit, in Visione Divina Essentie.*

## CONCLUSIO V.

**H**omo potest consequi Beatitudinem. Dicitur enim *Matt: 19.* Omnis qui reliquerit Domum vel Fratres &c. propter Nomen meum, centuplum accipiet, & vitam æternam possidebit.

## COROLLARIA

- I. *Licet requirantur aliqua bona Opera ad hoc ut Homo consequatur Beatitudinem, non ob necessitatem Dispositionis; sed ob Ordinem Divinae Sapientiae; tamen Homo, per sua Naturalia, non potest acquirere Beatitudinem Patriæ.*
- II. *Homo non potest consequi Beatitudinem Formalem, per Actum alicuius Superioris Creature.*
- III. *Uidentium Divinam Essentiam, vnus Sanctus aliò perfectius videt. Dixit enim Saluator Ioan: 14. In Domo Patris mei mansiones multe sunt. & imæ Corync: 13. v. 41. Alia claritas Solis, alia Claritas Lune, alia Claritas Stellarum: Stella enim à Stella differt in claritate. Sic & in Resurrectione Mortuorum.*
- IV. *Quamvis inæqualitas Beatitudinis Formalis detur inter Sanctos; tamen illa, nullam parit invidiam, aut tristitiam, aut desiderium, habendi aequalem cum alio gradu Beatitudinis. Dicitur enim Pla m. 16. Sattabor cum apparuerit gloria tua. & Matt: 5. Beati qui esuriunt, & sitiunt iustitiam quoniam ipsi saturabuntur.*
- V. *Anima Sanctorum, à peccatis perfecte purgata statim in Cælum evolant & fruuntur clara DEI visione; non expectatà Resurrectione, aut Generali Iudicio. Dixit enim Saluator Lucæ 23. ad Latronem. Hodie mecum eris in Paradiso & Apostolus ad Philip. 1. dicit: Cupio dissolui, & esse cum Christo.*

## CONCLUSIO VI.

**D**electatio requiritur ad Beatitudinem, vt Concomitans ipsam, seu vt accidens consequens operationem Intellectus scilicet visionem. Dicitur enim *Matt: 25.* Intra in gaudium Domini tui. & *Rom. 14. v. 17.* Non est enim Regnum DEI esca & potus, sed pax & gaudium in Spiritu Sancto.

## COROLLARIA

- I. *Ex quo Delectatio, non potest esse in Beatis sine Visione; quia Visio est Causa Delectationis; ex eo visio est principalior delectatione.*
- II. *Beati necessario diligunt Deum quo ad Exercitium. ita vt non sit in eorum potestate, à tali Actu cessare.*
- III. *Delectatio quâ Beati de Deo vt Bono sibi proprio, eos beatificante delectantur, quæ ad Amorem Concupiscentia pertinet, non à Virtute Spei, sed ab Habitu Charitatis elicitur.*
- IV. *Ad Beatitudinem requiritur Comprehensio, vt significat Tensionem: & rectitudo vo-*

luntatis. Dicit enim Apostolus 1<sup>ma</sup> Corinth. 9. Sic currite ut comprehendatis. Et  
Matt. 5. dicitur. Beati mundo corde, quoniam ipsi Deum videbunt.  
V. Beati sunt impeccabiles ab intrinseco, ita ut peccatum Mortale Actuale, aut etiam  
habituale, quinimo & veniale, & absoluta Dei potentia, cum Amore Beatifico con-  
jungi non possit.

## CONCLUSIO VII.

**H**omo Beatitudinem semel possessam, amplius amittere non po-  
test ab intrinseco. Dicitur enim *Sapientia* 5. Iusti autem in per-  
petuum vivent. Et Ioann 22. Christus dixit Apostolis. Gaudium  
vestrum nemo tollet à vobis.

### COROLLARIA.

- I. Beatitudo semel possessa, tam in ratione Beatitudinis, quàm in ratione visionis & ope-  
rationis amplius amitti non potest ab intrinseco.
- II. Error fuit Origenis, negantis perpetuitatem Beatitudinis: dicebat enim aliquos Be-  
atorum, propter eorum demerita, fore damnandos; aliquos verò Damnatorum pro-  
pter eorum merita fore beatificandos.
- III. Ad videndam Diuinam Essentiam, requiritur Lumen gloria: quod est Qualitas Su-  
pernaturalis Intellectui à DEO infusa, eiq; per modum Habitùs inharens, & Confor-  
tans ipsum ad videndum Deum.
- IV. In hac vita clarè intuitivè nemo potest videre Deum.
- V. Visio Diui Pauli qua fuit illi communicata in raptu, exigebat ab intrinseco conservari,  
sed ex Dispositione DEI & per miraculum, non duravit defactò.

Quæ

Ut

Ex Misericordia tua DEVS Opt: M.

duret in Nobis

in perpetuas æternitates Clementiæ Tuæ immensæ supplicamus.

Non misisti Filium Tuum in mundum,

ut iudicet mundum,

sed ut salvetur Mundus per ipsum.

Cui

Laus & Gloria & Virtus sit in sæcula sæculorum, Amen.







